



SIARAN AKHBAR

MEMORANDUM PERSEFAHAMAN DI ANTARA UNIT PERISIKAN KEWANGAN, AUTORITI MONETARI BRUNEI DARUSSALAM DAN THE ANTI-MONEY LAUNDERING COUNCIL, THE FINANCIAL INTELLIGENCE UNIT OF THE REPUBLIC OF THE PHILIPPINES

1. Unit Perisikan Kewangan, Autoriti Monetari Brunei Darussalam (UPK, AMBD) baru-baru ini telah menandatangani Memorandum Persefahaman dengan *The Anti-Money Laundering Council, the Financial Intelligence Unit of the Republic of the Philippines* (AMLC), pada hari ini, 16 Rabiulawal 1441 bersamaan dengan 13 November 2019, semasa *Counter-Terrorism Summit* di Manila, Republik Filipina.
2. Dengan adanya Memorandum Persefahaman tersebut, kedua-dua pihak bersetuju untuk bekerjasama dalam pertukaran maklumat perisikan kewangan yang akan membantu dalam siasatan serta pendakwaan pembersihan wang haram dan pembiayaan pengganasan. Penandatanganan Memorandum Persefahaman ini menandakan komitmen yang kukuh di antara kedua-dua agensi dalam membanteras aktiviti pembersihan wang haram dan pembiayaan pengganasan.
3. Memorandum Persefahaman dengan AMLC merupakan Memorandum Persefahaman ke-lapan yang telah ditandatangani oleh UPK, AMBD. Sebelum ini, UPK, AMBD, telah menandatangani Memorandum Persefahaman dengan Unit-Unit Perisikan Kewangan di Malaysia, Indonesia, Korea Selatan, Bangladesh, Kemboja, Singapura dan Laos.
4. Penandatanganan Memorandum Persefahaman bersama Unit-Unit Perisikan Kewangan lain adalah selaras dengan prinsip pertukaran maklumat *the Egmont Group*, sebuah organisasi sejagat yang merangkumi Unit-Unit Perisikan Kewangan antarabangsa.
5. Selain itu, penandatanganan Memorandum Persefahaman juga merupakan salah satu langkah dalam melaksanakan pematuhan kepada piawaian antarabangsa yang berhubung dengan pembanterasan pembersihan wang haram dan pembiayaan pengganasan, khususnya *Financial Action Task Force Recommendation 29*.
6. UPK, AMBD, ialah agensi pusat di Negara Brunei Darussalam yang bertanggungjawab untuk menerima, memohon, menganalisa dan mengongsikan laporan transaksi yang mencurigakan dan maklumat lain berkaitan dengan pembersihan wang haram dan pembiayaan pengganasan. Manakala, AMLC ialah agensi pusat di Republik Filipina bagi tujuan yang sama.

Autoriti Monetari Brunei Darussalam

Tarikh: 16 Rabiulawal 1441/ 13 November 2019

Ref No: AMBD/COMMS/3